

Chheh kah lûⁿko

5 Góa khòaⁿkìⁿ chē tī póchō Hit Ūi ê chiàⁿchhiú ū thèh chit kng chheh, lāigōabīn lóng ū bûnjī, koh ēng chhitê hongìn hong teh. 2 Góa koh khòaⁿkìⁿ chitê ū koānlêng ê thiⁿsài tōa siaⁿ soanpò kóng, “Siáⁿ lāng ū chukeh thang thiah khui chiaê hongìn, koh phahkhui chit kng chheh?” 3 M̄ koh, tī thiⁿténg, tēchiūⁿ kah tēhā lóng bô lāng ē tàng phahkhui á sī thák hit kng chheh. 4 Inūi chhōe bô lāng ē tàng phahkhui á sī thák hit kng chheh, góa tòh pàng siaⁿ tōa khàu. 5 Hiahê tiúⁿló tiong ê chitê tùi góa kóng, “M̄ thang khàu, lí khòaⁿ! Hitê tùi lôtah chichók chhutlái ê sai, Tabit ê kinthâu, l íkeng teksèng, ē tàng thiah khui hit chhitê hongìn, koh phah khui hit kng chheh.”

6 Jiânāu, góa khòaⁿkìⁿ hō sī chiah oáhmih kah hiahê tiúⁿló ūi teh ê póchō chêng, ū chit chiah lûⁿko khiā teh, ná chhinchhiūⁿ bat siū sathāi kòe. lûⁿko ū chhit kí kak, chhit lúi bákchui, tòh sī hōng chhephài khi kàu choân sèkài hit chhitê SiōngChú ê lêng. 7 lûⁿko kiáⁿ chinchêng, tùi chē tī póchō Hit Ūi ê chiàⁿchhiú thèh hit kng chheh. 8 lûⁿko thèh tiòh hit kng chheh ê sī, hit sī chiah oáhmih kah jīcháp̄sì ūi tiúⁿló, lóng phak tī lûⁿko ê bīnchêng, tákê lóng chhiú thèh khīm kah témóa phanghiuⁿ ê kim lô; chiah ê huiⁿ tòh sī SiōngChú chêng sèngtō ê kító. 9 In gím chit siú sin ê sikoa, kóng:

Lí ū chukeh thang thèh hit kng chheh,

koh thiah khui i ê hongìn,

inūi Lí bat siū sathāi,

koh ēng Lí ê hoeh tùi kok chiphài, kok chióng gígíân, kok bīnchók kah kok pangkok siókhôe lāng lái kui tī SiōngChú.

10 Lí koh hō in chiáⁿchò lán ê SiōngChú ê kòktō kah chèsì,

in mā beh tī tēchiūⁿ chiángkoân.

11 Góa koh siōngsè khòaⁿ, tòh thiaⁿkìⁿ chhengchheng bānbān thiⁿsài ê siaⁿ, in lóng ūi tī póchō, oáhmih, kah chêng tiúⁿló ê chiuūi, 12 tōa

冊 kah 羊羔

5 我看見坐 tī 寶座 Hit 位 ê 正手有 thèh 一卷冊, 內外面 lóng 有文字, koh 用七个封印封 teh. 2 我 koh 看見一个有權能 ê 天使大聲宣布講:「啥人有資格 thang 拆開 chiaê 封印, koh phah 開 chit 卷冊?」 3 M̄ koh, tī 天頂、地 chiūⁿ kah 地下 lóng 無人 ē tàng phah 開 á 是讀 hit 卷冊. 4 因為 chhōe 無人 ē tàng phah 開 á 是讀 hit 卷冊, 我 tòh 放聲大哭. 5 Hiahê 長老中 ê 一个對我講:「M̄ thang 哭, 你看! Hitê tùi 偌大支族出來 ê 獅, 大衛 ê 根頭, 祂已經得勝, ē tàng 拆開 hit 七个封印, koh phah 開 hit 卷冊。」

6 然後, 我看見 hō 四隻活物 kah hiahê 長老圍 teh ê 寶座前, 有一隻羊羔 khiā teh, ná 親像 bat 受殺害過. 羊羔有七支角, 七蕊目 chiu, tòh 是奉差派去到全世界 hit 七个上主 ê 靈. 7 羊羔行進前, tùi 坐 tī 寶座 Hit 位 ê 正手 thèh hit 卷冊. 8 羊羔 thèh tiòh hit 卷冊 ê 時, hit 四隻活物 kah 二十四位長老, lóng 仆 tī 羊羔 ê 面前, ták 个 lóng 手 thèh 琴 kah 貯滿 phang 香 ê 金爐; chiahê 香 tòh 是上主眾聖徒 ê 祈禱. 9 In 吟一首新 ê 詩歌, 講:

祢有資格 thang thèh hit 卷冊,

koh 拆開它 ê 封印,

因為祢 bat 受殺害,

koh 用祢 ê 血 tùi 各支派、各種語言、各民族 kah 各邦國贖回人來歸 tī 上主。

10 祢 koh hō in 成做咱 ê 上主 ê 國度 kah 祭司,

in mā beh tī 地 chiūⁿ 掌權。

11 我 koh 詳細看, tòh 聽見千千萬萬天使 ê 聲, in lóng 圍 tī 寶座、活物, kah 眾長老 ê 周圍, 12 大聲講:

siaⁿ kóng:

Siū sathāi ê lûⁿko engkai tit tiòh koânlêng,
hùjū, tìhūi, khùilát, chunkùi, êngkng kah oló!

13 Góa koh thiaⁿkìⁿ tī thiⁿténg, tēchiūⁿ, tēhā
kah hái nìh itchhè ê siūchōbút, íkíp kítiong ê
bānmìh lóng chēsiaⁿ kóng:

Goān oló, chunkùi, êngkng kah koānsè lóng
kui hō chē tī póchō ê Hit Ūi kah lûⁿko,

títkàu bānsètāi bô chīn!

14 Hit sì chiah oáhmìh ìn kóng, “Amen!”

Chèng tiúⁿló mā phak lókhì kèngpài.

受殺害 ê 羊羔應該得 tiòh 權能、富裕、
智慧、氣力、尊貴、榮光 kah oló!

13 我 koh 聽見 tī 天頂、地 chiūⁿ、地下 kah
海裡一切 ê 受造物，以及其中 ê 萬物 lóng 齊聲
講：

願 oló、尊貴、榮光 kah 權勢 lóng 歸 hō
坐 tī 寶座 ê Hit 位 kah 羊羔，

直到萬世代無盡！

14 Hit 四隻活物應講：「阿們！」

眾長老 mā 仆落去敬拜。